



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ extrahendi delinquentem à loco immuni Form. VIII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Non autem posse facultatem concedere eisdem Judicibus, & Ministris Laicis in Ecclesiis, & aliis locis immunibus actum aliquem recognitionis Cadaverum, seu examinis vulneratorum, & testium, nisi in casu urgentis necessitatis, quando Summus Pontifex commode adiri non potest; ideoque pro eorundem Episcoporum arbitrio rectè tamen regulato. Superioribus verò Regularium minimè licere etiam in Ecclesiis, & locis immunibus ipsorum Regularium, sed id ad solos Episcopos spectare. Lib. 1. Decret. Pauluc. fol. 259. & simile huic assert aliud Panimol. decis. 95. adnot. 1. num. 22.

7. Juxtà hujus igitur individui Decreti lecturam, prohibitio, quæ de jure viget adversus Judices Laicos exercendi jurisdictionem in locis immunibus absque facultate Sedis Apostolicæ, non solum comprehendit Ecclesias, & Cæmeteria, ad quæ illam restringit D. Raynald. sed etiam alia loca immunia non sacra, quia verba illa --In Ecclesiis, & aliis locis immunibus, in Decreto contenta, restrictionem Raynaldi non patiuntur tamquam indefinita, & loca quomodocumque immunia includentia, propter dictionem illam aliis, cujus indoles est denotare diversitatem ab antecedenter expressis, cum sit nota similitudinis: Simile enim non est idem, ut eadem dictione perpena firmavit Rot. coram Cerro dec. 616. n. 5. & 6. ac reperi declarasse eamdem Sac. Congr. Immunit. in una Anagnina 21. Januarii 1659. in qua dicitur--Moneatur Episcopus, ipsum non potuisse dare licentiam faciendi recognitionem, & examinandi testes in loco immuni. Lib. Decret. Rocii fol. 146.

8. Et huc colliminat aliud Decretum Sac. Congr. Episcop. & Regular. emanatum in Bononien. 20. Maii 1616. in quo Cardinali Capponio ita responsum datur --Cum ministri Illustrissimi Domini Card. Capponii quemdam vulneratum à Conventu Sancti Jacobi Fratrum Ordin. Sancti Augustini, in quo se receperat, extrahi, carcerari, examinarique fecissent -- Sac. Congr. eundem Illustriss. monitum voluit, quod facultates extrahendi delinquentes ab Ecclesiis, & Monasteriis per Sanctissimum sibi concessæ non se extendunt ad illos, qui in dictis Ecclesiis se recipiunt, & in quorum

personas delicta perpetrata fuere.

9. Ex quo Decreto clarè percipitur, quòd facultas, quæ datur à Sede Apostolica exercendi actus jurisdictionales in locis immunibus, non restringitur ad sola loca sacra, sed complectitur Monasteria, quæ sunt ratione annexionis immunia, in quibus Episcopus non dispensat.

10. Cauti propterea legendi sunt, Nicol. lucub. civil. lib. 1. tit. 8. de immunit. Eccles. num. 37. vers. hinc est, Pignatell. cons. 122. num. 4. tom. 4. Conciol. res. crim. verb. recognitio resol. 2. num. 5. tenentes cum Raynald. posse per Judices Laicos de sola licentia Episcopi recognitiones Cadaverum fieri, & vulneratorum, ac testium examen recipi in loco immuni non sacro: Nam eorum opinio non est tuta, sed opposita Decretis suprà relatis.

11. Quando verò licentia exhumandi, aut extrahendi, vel examinandi daretur ab Episcopo Judici Laico, vigore commissionis obtentæ à Sac. Congr. Immunit. (quæ passim solet concedere pro octo casibus) tunc si est pro examine, ad datur in licentia clausula--Dummodo vulneratus sponte se supponat examini, ne Judex Laicus videatur uti jurisdictione contentiosa in loco immuni: Et si vulneratus, aut offensus esset Regularis, qui existeret in Monasterio; tunc recognitio fieri poterit à Curia Episcopali, prout fieri jussit Sac. Congr. immunit. in Burgi S. Sepulchri 13. Novembris 1629. lib. 2. Decret. Pauluc. fol. 12. tergo.

Licentiæ extrahendi Delinquentem, à loco immuni.

FORMULA VIII.

SUMMARIUM.

- 1 Licentia extrahendi delinquentem à loco immuni, non debet ab Episcopo concedi, nisi constituto aliquo modo de delicto excepto.
- 2 Licentia extrahendi à loco immuni in

casibus à Bulla Gregor. XIV. non exceptis, dari non potest ab Episcopo, sive reus sit Laicus, sive Clericus.

Parochus repertus in Domo Parochiali cum Concubina potest extrahi, & ab Episcopo puniri.

3 An Episcopus possit licentiam concedere pro extractione delinquentium à Palatio Episcopali, refertur casus decisus à Sac. Congr. Immunit. & num. 4. & 5.

6 Extractus à loco immuni debet retineri in Carceribus Episcopi, vel Laicalibus (si magis tuti sint) precario nomine ejusdem.

7 Delinquentes non sunt custodiendi in

compediibus in Ecclesia.

Episcopus non potest licentiam concedere ut extrahantur à loco immuni bona, que secum transiit confuga, sed est recurrendum ad Sac. Congr. Immunit.

8 Ad privandum delinquentem immunitate Ecclesiastica, requiritur plena probatio, & Episcopus, si vult potest uti Processu Judicis Laici.

9 Extractio delinquentis à loco immuni debet fieri cum interventu persone Ecclesiasticae.

10 Extractio delinquentium à loco immuni solis Episcopis est permessa, non autem inferioribus, immò neque Legatis Apostolicis.

N. Episcopus N.

UT N. qui ex causa homicidii proditorii, prout fuit expositum, & Nobis extrajudicialiter constat, in personam N. commissi ad Ecclesiam N. confugit, exinde extrahi, & ad nostros carceres perducere, & ibi retineri possit, donec per Nos cognoscatur, an verè crimen à Bulla Gregor. XIV. exceptum commiserit, curiae N. cum interventu, & assistentia Presbyteri N. cui auctoritatem damus, licentiam concedimus. In quorum, &c. Datum, &c.

N. Episcopus N. sive Vicarius Generalis.

Loco ✠ Sigilli.

N. Cancellarius Episcopalis.

ADNOTATIONES.

1 PROUT FUIT EXPOSITUM, ET NOBIS EXTRAJUDICIALITER CONSTAT. Non debet Episcopus improvida festinatione extractionem delinquentis à loco immuni permittere, nisi prius per expositionem Fiscii Laici, vel partis læsæ, aut alio modo saltem extrajudiciali, arbitrio conscientiae suae regulato, sibi constet confugam aliquod ex delictis exceptis in Bulla Gregorii commisisse, ut respondit Sac. Congr. Immunit. in Meleuitana 15. Junii 1638. & docent Spirell. decis. 104. num. 22. Nicol. lucub. Civil. lib. 1. cap. 8. de immun. Eccles. n. 36. vers. notandum.

2. AD ECCLESIAM N. CONFUGIT.

In aliis casibus à Bulla Gregoriana non exceptis, communis conclusio est inter Auctores Catholicos, quod extractio confugientium ad Ecclesias, & loca immunia, fieri non potest, neque de licentia Episcopi, qui talem potestatem non habet, Sac. Congr. Immunit. in Vallisoletana 19. Maii 1627. lib. 1. Decr. Paul. fol. 49. si ve delinquens sit Clericus, sive Laicus, & si extractio fiat pro correctione, si ve pro injungenda poenitentia salutari, ut fuit supra probatum in Adnot. ad For. Edicti de rever. Eccles. debet. §. Non si eseguiscano citationi cum seq. Nisi ageretur de Parocho reperto cum Concubina in Domo Parochiali, à qua potest extrahi, & puniri ab Episcopo, Sac. Congr. Immunit. in Interamnen. 27. Martii 1640. lib. 3. Decr. Paul. fol. 114.

Et in

Et in Aretina 31. Augusti 1649. lib. 4. Paul. fol. 86. Raynald. observ. Crimin. tom. 1. cap. 1. §. 11. num. 53.

An autem id procedat in Palatio Episcopi, quod gaudet immunitate, casus evenit disputandus in una Aetina, in qua cum quaereretur, an captura per me (in dicta Civitate munere Vicarii Generalis fungente) demandata, & exequuta in gradibus Palatii Episcopalis Presbyteri N. ex-teri, (qui ob sacrilegum ingressum in Monasterium Monialium alterius Diocesis, per Curiam Episcopalem illius litteris subsidiariis, mihi directis, persequeretur) nullitatem allegantis, sustineretur? Et pro veritate scribente R. P. D. Masserio tunc in Curia eximio Advocato, Sac. Congreg. Immunit. 2. Octob. 1691. rescripsit -- Capturam in casu proposito sustineri.

4. Ratio praecipua resolutionis fuit, non solum quia viget in dicta Civitate consuetudo capiendi reos de mandato Episcopi, vel Vicarii in causis ad forum Ecclesiasticum spectantibus in recinto, seu Cortile Palatii Episcopalis: sed ex eo, quod immunitas haec competat ratione Dignitatis, & dicatur mixta, veluti connexa loco propter personam ipsius Episcopi. & ob ejus reverentiam: Ac propterea nil obstare visum fuit, quin Episcopus hoc jus reverentiale sibi debitum, remittere non possit, praesertim in causis ad forum Ecclesiasticum pertinentibus, ut praefatus R. P. D. Masserius in sua allegatione juris firmabat auctoritate Bajard. ad Clar. §. fin. quest. 30. n. 10. Cortiad. decis. 59. n. 16. & 17. Del Ben. de Immunit. tom. 2. cap. 16. dub. 9. sect. 14. n. 6. & 13. Dian. ordin. tom. 9. tract. 1. de immun. resol. 16. 17. 19. & 20. Pignatell. consult. 36. n. 16. in fin.

5. Verumtamen haec resolutio regulam generalem absolutam constituere non valet, quod nempe Episcopus possit quoties sibi placeat, jus reverentiale sibi debitum renunciare, & extractionem e Palatio Episcopali delinquentium permittere; sed ubi adfit consuetudo, ut in casu proposito, & supra resolutio, vel ubi delinquens in Palatio Episcopi reperiatur non ut confuga, ut privilegio gaudeat, sed incidenter pro alia causa; vel demum, si extractio fiat pro correctione, sive fa-

lutari poenitentia imponenda in delictis levibus; & ideo dicitur in rescripto -- Capturam sustineri in casu proposito, juxta distinctionem Dec. relatam ab Ambrosin. de immunit. Eccles. cap. 12. n. 4.

6. AD NOSTROS CARCERES. Extractus a loco immuni debet retineri in Carceribus Episcopi juxta praescriptum Gregorianae §. 5. Qui si non essent tuti, & firmi, tunc pro assecuratione personae, vel ipsamet Ecclesia, in qua delinquens confugit, a Custodibus fisci erit custodienda; vel reus erit seponendus in Carceribus Laicalibus, utpote magis tutis precario tamen nomine Episcopi, ejusque liberae dispositioni, ac si essent Carceres proprii juxta loci qualitatem, donec cognitum fuerit, an delinquens gaudeat immunitate, ad tradita per Card. de Luc. Miscellan. disc. 2. n. 12. Panimol. decis. 95. adnot. 1. n. 10.

7. Et licet plures DD. admittant (& nonnulli Judices, & Episcopi ad praxim deduxerint) quod ad praecavendum fugae delinquentis, possit custodiri in Ecclesia etiam in compedibus: Tamen Sac. Congregat. Immunit. in una Caven. 8. Februar. 1639. declaravit hanc praxim non esse bonam. Si autem agatur de extractione facienda a loco immuni bonorum, quae secum transfudit confuga, Episcopus sine facultate dictae Congregationis licentiam dare nequit, Sac. Congreg. Immunit. in Neritonen. 17. Januarii 1628. libr. 1. Decret. Paul. fol. 80. & probat Panimol. decis. 39. num. 50. & sequentibus & decis. 95. adnot. 1. num. 15. & 18. ubi plures alias resolutiones dictae Sac. Congregat. refert Pignatell. consult. 167. num. 6. tom. 1.

8. PER NOS COGNOSCATUR. Cognitione judiciali, non autem extrajudiciali, vel contumaciali, quia ad privandum delinquentem privilegio immunitatis, requiritur concludens, & plena probatio, Sperell. decis. 101. num. 17. Nicol. lucubr. Civil. lib. 1. cap. 8. de Immunit. Eccles. num. 36. vers. Ad consignandum, Pignatell. consult. 37. num. 12. tom. 2. consult. 28. num. 7. & seqq. tom. 6. & consult. 22. num. 26. tom. 10. in quibus quamplura Decreta Congregat. congerit de mo-

more, & plenè quoque tradit Panimol. *decif. 56. & decif. 85.* Ad quem effectum poterit iudex Ecclesiasticus, si velit, uti Processu Tribunalis Laicalis, fabricato ante confugium, ut respondit *Sac. Congr. Immunit. in Syracusana 16. Julii 1629. lib. 1. Decret. Paul. fol. 8. à tergo, & Sac. Congr. Episcop. Episcopo Messanen. 4. Maii 1604.* quamquam non cogatur.

6 **CUM INTERVENTU, ET ASSISTENTIA PRESBYTERI.** Pœnas in Gregoriana comminatas Episcopus incureret, si licentiam extrahendi delinquentes à loco immuni concederet absque deputatione personæ Ecclesiasticæ, ut notat Nicol. ubi *suprà dicto num. 36. vers. si tamen.*

10. Quæ extractio permessa est solis Episcopis, non autem inferioribus, ut deelaravit *Sac. Congreg. Immunit. in Nullius Orbitelli 23. Martii 1638. lib. 3. Dec. Paul. fol. 57. à tergo, inuò neque Legatis Apostolicis, eadem Sac. Congreg. in Bononien. 19. Augusti 1630. & 8. Aprilis 1631. lib. 2. Decret. Paul. fol. 101. à tergo.*

Licentiæ acceptandi onera
Missarum.

FORMULA IX.
SUMMARIUM.

- 1 Quando legatum missarum non est fructiferum, Legatarius non tenetur de proprio onus adimplere.
- 2 Et idem est, quando sine culpa Legatarii fructus exigi non possent, vel perirent.
- 3 Legatum animalium cum onere Missarum, debet vendi, & pretium investiri in bonis stabilibus.
- 4 Licentia acceptandi onera Missarum debet peti, & recipi ab Episcopo in scriptis sub pœna interdicti, non obstante contraria consuetudine. Legati acceptatio sine licentia est valida, & obligat ad adimplementum.
- 5 Licentia in scriptis non exigitur de substantia actus.
- 6 Licentia non requiritur pro oneribus Missarum relictis ad tempus.
- 7 Episcopus in prima oneris Missarum acceptatione, potest Missas reducere, quatenus redditus inveniatur oneribus non respondere, & n. 8.
- 9 Episcopus potest reducere Missas, quando Testator illi facultatem dedit in Testamento.

N. Episcopus N.

ATtentis narratis in supradicto supplici libello Nobis exhibito, & confitio per legitimas probationes, redditus Capitalis relictis per quondam N. esse correspondentes oneri suscipiendo Missarum, & Oratorem (seu Oratricem Ecclesiam) aliis jam susceptis commodè satisfacere posse ad formam Decretor. Sac. Cong. Concil. auctoritate fel. rec. Urbani VIII. editorum, & à fel. rec. Innoc. XII. de anno 1697. innovatorum (si legatum consistat in pecunia, dicatur -- in iuncto tamen Oratrici onere quamprimum dicta scuta investiendi in bonis stabilibus fructiferis, tutis, & securis, cum expressa mentione oneris Missarum, quod illis annexum reperitur, & interim deponatur penès ædem sacram sub pœna interdicti ab ingressu Ecclesiæ) petitam licentiam, legatum perpetuum prædictum acceptandi cum onere Missarum in qualibet hebdomada in eadem Ecclesia N. & ad Altare N. celebrandarum juxta mentem Testatoris, concedimus, & imperimur, cum obligatione eandem licentiam in Archivio dictæ Ecclesiæ retinendi, & nostro Cancellario unà cum supplici libello in actis registrandi. In quorum, &c. Datum, &c.

N. Episcopus, sive Vicarius Gener.
Loco ✠ Sigilli.

N. Cancellarius Episcopalis.

AD-